

802

Te pater, atque patris proles<sup>a</sup>, te spiritus almus  
 Protegat, exaltet, salvet, honoret, amet.  
 5 Quem tua per populos, terras, per regna, per<sup>b</sup> urbes,  
 Mens pia permandet semper amare Deum.

258.

*Alcvinus Arnoni Salisburgensi archiepiscopo curam canonicorum, monachorum tertii- 5*  
*que gradus inter illos medii commendat; queritur de simoniaca haeresi, quae etiam in*  
*sedem apostolicam irrepserit. Epistolam de confessione ab Adalberto expetitam se iam*  
*misisse, cum illo aut Adalberto librum de catholica fide conscriptum legere vult.*

802.

*Codd. S 1 fol. 215'—216' (S 1\* fol. 146'—148).*

*Edd. F 116, J 192. — Migne col. 401.*

10

## VENERANDO PONTIFICI AQUILAE ALBINUS SALUTEM.

Pridem plura scripsi, quapropter modo pauca scribere ratum duxi, hoc solum  
 suadens vestram sanctam auctoritatem in Deo et pro Deo loqui et in Deo confidere,  
 ut diligenter examinetur, quid cui conveniat personae, quid canonicis, quid monachis, 15  
 quid tertio gradui<sup>a</sup>, qui inter hos duos variatur; superiori gradu canonicis et inferiori  
 monachis stantes. Nec tales spernendi sunt, quia tales maxime in domo Dei inveniuntur.

Et hoc praecipue intendite, ut simoniaca heresis funditus subvertatur<sup>1</sup>, quae  
 male dominatur in multis, radicem a iudicibus saeculi sumens, ramos usque ad eccle-  
 siasticas tendens personas, ita ut qui spinas eruere avaritiae debuerunt, spinis pun- 20  
 guntur acerbitalis<sup>b</sup>, quae magis atque magis crescentes pene apostolicam inrepserunt  
 sedem, ex qua palma pietatis dactilico florens fructu crescere debuit<sup>c</sup>. Ignosce dicenti  
 vel magis timenti, cur super caput suum aliquid cogitare audeat. Utinam qui hoc  
 dicat, fallax inveniatur, ut innocens sit, qui alios debet innocentes facere per sanctae  
 praedicationis verba. 25

Rogavit me Magus meus<sup>2</sup> in litteris dilectionis suae, sive vestra mandante  
 auctoritate, vel propria instigante voluntate, epistolam de confessione vel penitentia  
 dictare. Sed illam direxi, quam pridem habui filiis sancti Martini, quorum est multi-  
 tudo magna, dictatam atque conscriptam<sup>3</sup>, quae sola vestris quoque iuvenibus suffi-  
 cere posse arbitror. Utinam venias, si fieri possit. Sin autem, vel Magum tempore 30  
 oportuno dirige propter lectionem unius libelli, quem noviter scripsi de catholica  
 fide<sup>4</sup>, et domno imperatori per hunc puerum<sup>5</sup> direxi. Qui libellus<sup>d</sup> nullatenus vestras  
 effugiat manus, sed omnimodis scribatur, ut habeatis, quia necessarius est valde fidem  
 volentibus scire catholicam, in qua summa salutis nostrae consistit.

Benedictus Deus benedicat te tuosque tecum aeterna benedictione, domine pater 35  
 dilectissime.

<sup>a</sup>) prolis A, S, G, R, I, C, T, L.    <sup>b</sup>) om. I.

258. <sup>a</sup>) gradu S 1.    <sup>b</sup>) acervitalis S 1.    <sup>c</sup>) inde rancor invidiae ebullivit add. S 1\*.    <sup>d</sup>) libella S 1.

1) Cf. supra p. 136 n. 1, Ad Carol. imper. v. 43 sq. (Poet. Carol. I, 258): Simoniaca quidem pululat  
 male pestis in orbe, | Muneribus dantur mystica dona Dei, | Quae Deus aeternus cunctis impendere 40  
 gratis | Iusserat, ut gratus accipit ipse dator. 2) Adalbertus, postea abbas Ferrariensis, cf. p. 254 n. 1;  
 320 n. 9; 322 n. 8. 3) V. supra ep. 131 p. 193 in libello, quem Fredegisus attulit, cf. ep. 259. 4) Libellum  
 manualet de fide sanctae Trinitatis, cuius praefationem v. supra ep. 257. 5) an Fredegisum? Cf. infra  
 p. 417: per Fredegisum filium meum.